

## TARBIYAH PENGASAS SIRI 38 1 MAC 2022

# BANGSA ISDEV

Prof Dr Muhammad Syukri Salleh

1. Hari ini akan bercakap tentang dua perkara:
  1. Bangsa ISDEV (ISDEV Nation/Race)
  2. Cita-cita (sebagai salah satu cara mencapai kejayaan dan kegemilangan)
  
2. Terdapat 4 maksud bangsa:
  1. Jenis manusia daripada satu asal keturunan, seperti bangsa Melayu, India, Cina dan lain-lain;
  2. Sekumpulan manusia yang mempunyai persamaan seperti keturunan, bahasa, adat resam, kesenian, dan pengalaman sejarah;
  3. Kumpulan manusia dalam satu ikatan tatanegaraan, contohnya bangsa Malaysia, bangsa Johor;
  4. Satu kelompok atau kumpulan manusia yang sama di sesuatu kawasan atau tempat.
  
3. Bangsa ISDEV berpegang kepada makna (2), (3), dan (4).
  
4. Dalam pengalaman sejarah manusia, individu dan bangsa yang berjaya, kuat dan berdaulat adalah yang ada cita-cita, walaupun tidak ramai bilangannya, walaupun perjuangannya batil.
  
5. Misalan Cita-cita Individu
  - ❖ Barack Obama ingin jadi Presiden Amerika sejak di bangku sekolah [diceritakan oleh gurunya, Israella Pareira]
  - ❖ Thomas Alva Edison (the incandescent light bulb, the phonograph, and the motion picture camera), terus berusaha mencapai cita-citanya walau diperli oleh rakan-rakannya
  - ❖ Bill Gates (Microsoft) ingin jadi saintis sejak di bangku sekolah [diceritakan oleh bapanya, William H. Gates]

- ❖ Steve Jobs (Apple) secara agresif berikhtiar melahirkan sesuatu yang luar biasa. Rakan dan pesaingnya, Bill Gates berkata, tidak ada sesiapa yang mampu menandingi kemampuan Steve Jobs dalam mencapai apa yang beliau inginkan
- ❖ Dr Yusuf al-Qaradhawi bercita-cita menjadi Syeikhul al-Azhar sejak di bangku sekolah [diceritakan oleh gurunya], tetapi berhasil menjadi lebih daripada itu [mengikut murid-muridnya], yakni menjadi Syeikhul Ummah
- ❖ Ibn Sina (Perubatan) bercita-cita menggunakan perpustakaan raja untuk membaca kitab-kitab yang nadir [jawapan kepada raja setelah Ibn Sina berjaya mengubati penyakit raja]
- ❖ Sayyidina Umar bin Abdul Aziz bercita-cita belajar dengan bapa saudara ibunya, Abdullah bin Umar, dan menjadi sepertiinya [diberitahu kepada ibunya sehingga ibunya tertanya-tanya].

#### 6. Misalan Cita-Cita Bangsa (Kolektif)

- ❖ Bangsa Arab, Kurdi dan Uthmaniah Turki dengan cita-cita Islam
- ❖ Bangsa Jerman dengan cita-cita bangsa Arya
- ❖ Bangsa Itali dengan cita-cita negara
- ❖ Bangsa Sepanyol dengan cita-cita Kristian
- ❖ Rusia dan Cina dengan cita-cita ideologi Komunis
- ❖ Sayyidina Umar Ibn Khattab ketika menjadi Khalifah bercita-cita rumahnya dipenuhi dengan pejuang-pejuang (pemuda-pemuda) Islam seperti *Abu Ubaidah Ibn al-Jarrah, Mu'adz bin Jabal, Salim Maula Abi Huzaifah dan Huzaifah ibn al-Yaman* [Dari riwayat al-Hakim dalam *al-Mustadrak* (5005), dan Abu Nu'aim dalam *Hilyah al-Auliya'* (318), Sayyidina Umar bertanya sahabat-sahabat: "Tunjukkan cita-cita kamu." Salah seorang menjawab, "Aku bercita-cita rumah ini dipenuhi dengan emas, agar aku dapat infakkan di jalan Allah dan bersedekah!" Sahabat yang lain pula berkata: "Aku bercita-cita rumah ini dipenuhi zamrud dan batu permata agar aku dapat infakkan di jalan Allah dan bersedekah!" Kemudian Umar R.A berkata lagi: "Tunjukkan cita-cita kamu." Mereka menjawab: "Kami tidak tahu wahai Amir al-Mukminin." Lalu Umar R.A berkata: "Aku bercita-cita agar rumahku dipenuhi pemuda-pemuda seperti Abu Ubaidah Ibn al-Jarrah, Mu'adz bin Jabal, Salim Maula Abi Huzaifah dan Huzaifah ibn al-Yaman."
- ❖ Para sahabat Rasulullah SAW sendiri tanam cita-cita untuk tawan Kota Konstantinopel [kini Istanbul, Empayar Byzantine (Rom Timur) pada 330 Masihi selama 10 abad], setelah disebut Rasulullah SAW

ketika memecahkan batu dalam perang khandak dan mengatakan sesiapa yang menawan Kota Konstantinople akan masuk syurga. Salah seorang sahabat yang cuba merealisasikan cita-cita ini ialah Abu Ayub al-Ansari, walaupun sudah tua tetapi berusaha, sehingga beliau mati dalam perjalanan menawan Kota tersebut. Akhirnya Kota Konstantinople berjaya ditawan oleh Sultan Muhammad Al-Fateh.

7. Secara umum, ada empat dasar cita-cita tersebut di atas:

1. Cita-cita agama
2. Cita-cita bangsa
3. Cita-cita negara
4. Cita-cita ideologi

8. Bila ada cita-cita, semangat juang, pengorbanan adalah luarbiasa. Mereka sanggup berkorban apa saja (masa, tenaga, harta, nyawa) dengan semangat yang kuat untuk mencapai cita-cita mereka.
9. Mereka tidak pentingkan diri. Bangsa yang mempunyai ahli yang pentingkan diri biasanya tidak akan berjaya mencapai cita-cita bangsanya. Mereka hanya memikirkan tentang makan, minum, pangkat, kekayaan, nikah, kahwin, hiburan sahaja. Walaupun bilangan mereka banyak, walaupun mereka pandai, tetapi mereka tidak boleh membina kegemilangan sebagaimana dicita-citakan.
10. Maknanya cita-cita bangsa adalah cita-cita kolektif. Cita-cita memenuhi kepentingan diri adalah cita-cita individualist.
11. Di ISDEV, kita patut ada cita-cita kolektif. Cita-cita bangsa ISDEV.
12. Mempunyai cita-cita adalah salah satu kaedah mencapai kejayaan dan kegemilangan.
13. Untuk itu, ISDEV kena berdiri bukan sahaja sebagai satu institusi, satu jemaah, tetapi juga satu bangsa. Bangsa ISDEV yang mempunyai cita-cita agama.

14. ISDEV itu satu bangsa? Ya, untuk mencapai cita-cita agama. Bangsa = worldview, pemikiran, amalan, budaya kerja, keterampilan (*appearance*), halatuju, dan matlamat yang sama, secara kolektif, bersatu padu.
15. Maknanya, cita-cita ISDEV adalah cita-cita agama, manakala penggeraknya ialah bangsa ISDEV, agar ada keselarasan kefahaman, amalan, dan tindakan untuk merealisasikan cita-cita tersebut secara kolektif, secara berpadu.
16. Cita-cita berasaskan agama adalah lebih kuat daripada cita-cita berasaskan negara, bangsa, dan ideologi. Ia berpegang kepada Allah (hubungan menegak → iman dan taqwa), kepada tali Allah (hubungan mendatar → kefahaman dan keselarasan → perpaduan), kepada mardhatillah (ganjaran al-jannatul 'ajilah (syurga yang disegerakan di dunia (kesejahteraan hati) dan syurga di akhirat, selamat dari neraka).
17. Apa cita-cita ISDEV? (1) Menyelamatkan ahli akademik dari ideologi bukan Islam → perkenalkan Pembangunan Berteraskan Islam (2) Melaksanakan Pembangunan Berteraskan Islam → perkenalkan Pengurusan Pembangunan Islam (3) Membina platform perjuangan → membina ISDEV (4) Memuliakan dan menunjukkan kecantikan Islam → Menggemilangkan ISDEV (projek, virtual centre, Centre for Excellence (CoE), Hi-CoE).
18. Marilah kita berjuang dan berkorban untuk cita-cita agama ini melalui bangsa ISDEV. Kalau pun kita tidak boleh membina empayar ISDEV, tetapi kita tetap berdaulat sebagai bangsa ISDEV. Sekurang-kurangnya kita tidak dipermainkan oleh bangsa dunia yang lain, Insya-Allah.